



CAENE DE SAN GIROAMO

Chi vien a visitar a Cesa de Madona Granda,
vardando el tempieto se domanda :

De chi see le caene dentro e do urne che sta in parte?

E xe del nobie venexian Giroamo Miani,
imprisonà nel 1511 a Quero

dal capitan de ventura Mercurio Bua,
che ga conquistà la fortessa del casteo.

Qualcun che sa, te conta la storia,
anche se de le volte el ghe zonta un toco!

Ma se xe fassie dar na risposta curta,

te vien i sgrisooni solo a pensar

quanti boni tosi de la nostra tera

xe partii da sto santuario par el mondo

a dar na man ai abandonai,

sensa desmentegarse i nostri orfani de guera.

Xe pasai pì de 500 ani da quando

la nostra Madona ga libarà Giroamo

chel ga fato e prime case par sti fioi

puareti e tanti lo ga seguio.

Tanti Padri i xe andai in giro pal mondo

a portar caene de bontà

e xe sa passà çento ani!

Adesso i xe ne le Americhe, in Asia,

in Africa e anche in Australia.

*“ Cara Madona Granda te si trevisana nostra,
ma i Somaschi i te ga portà par el mondo
e desso te si proprio universae ,
parché te si a Mama de tuti,
ma ancora de pì par quei cei
che carezze e basi da le so mame no li ga ciapai!
Varda sti servi dei puareti che vien
da tuto el mondo e i prega davanti a ti,
daghe na man parchè i ga bisogno che i zoveni
li iute ne la so mission.
Fa che la fiama de la fede no la se stue,
ma daghe la forza de formar na fameja
co sti disperai specie orfani abandonai.
A to benedision da qua rive in tutte e case
dove i prega, i lavora e i çerca de voerse ben.“*

Finia la preghiereta qualchedun impissa un lumin
e el torna pi zoioso a viver mejo façendo del ben.

p. Lucio Zavattin

**27 settembre 2021 Madona dei orfani
Centenario dei Somaschi nel mondo (1921-2021)**